

滕縣志

昆明志 370

76978

1-8

2014.04.09

36

2014.04.09



續修滕縣志敘

事待百年而後舉者始之必
有其人成之必有其時今欲
網羅掌故繼武前賢臧否人
倫垂鑒來世事之大者也一
代之史動合數十家之傳述

滕志

卷一

王序

一

以折其中一邑之書亦必用
數十人之耳目而定於一主
之者邑大夫則予奪之權無
所分采之者鄉先生則是非
之真不能欺雖然必其人公
而無私廉而不污不立異不

苟同不市名不避怨上下和
信而後事期有成今滕兼三
國五邑不可謂褊小矣
國家累治重熙車書會同幅幘
萬里

皇上方詔諸儒臣修一統志內自

畿輔外達方州罔弗蒐輯備
徵文獻况滕界交徐夙稱善
國而近聖人之居乎余以甲
辰承乏茲土進紳耆而諭之
僉曰邑志修於有明丁卯成
於乙酉續於壬申再續於我

朝康熙癸丑時則有鄉先達侯
公維藩侍御王公對峯比部
張公還白進士黃公畹九劉
公若木孝廉陳公諧堂王公
鳧南皆經闔境數十人采修
同時十數人叅校邑侯楊公

荆公任公黃公持衡而總其
成凡修皆四十餘年今人之
才不如昔而計其時已再倍
譬昏夜有求於幽室臆揣冥
搜而無實據此專之難也左
畫圓右畫方築室道謀聚訟

盈廷愈久不斷此眾之難也
余曰諸君子信知其難則何
難之有於是出示七十二保
廣延訪謹條規是否叅之輿
評公論核之舉保其於舊志
川原之形勢風俗之流沿戶

口之殷繁賢才之登進微顯
聞幽發凡起例其爲因者什
之八變者什之二損者一增
者三夫志者國史之流也省
之志取諸郡郡之志取諸邑
邑之志采諸鄉一邑者天下

之分而邑志者一統志之始
自非矢公矢慎勿濫勿遺則
辨不詳擇不精言不雅馴近
而一時知其誣遠而後世議
其失然則斯志之修敢云足
備文獻以待輔軒哉其爲公

耶私耶廉耶污耶異耶同耶
名耶怨耶余與諸君子共之
昔

道光二十六年歲次丙午嘉
平上浣之吉文林郎知滕縣
事加同知銜湘西王政撰

後序

昔李吉甫作元和郡國志謂爲政者執此可以治天下豈不以志與史同土風謠俗學校師儒與夫禮樂刑政諸大端備具其中擴充而厝之天下裕如哉顧江文通有言志不易作則又以始事之難難於修史古太史氏多世其官其籍具在有所受之權斯歸焉邑志唯訪諸故老得之流傳往往見聞異辭末由折衷縱三長備擅亦窮於無如何故曰難也若乃踵事力省而功倍又或時移世隔遺老盡矣而私家記載半毀於耗蠹坐是因循畏難愈久愈湮致使前人之幽潛不著一邑之掌故闕畧而不備緊誰職其

滕志

卷一

後序

一

咎歟滕志之不續百二十又九年湘西績堂先生莅是土甫下車卽延邑搢紳先生於庭而商榷焉和衷共濟矢慎矢公不期月而蕝事竊維滕之初封肇自黃帝歷數千年而疆寓之損增建置之源委原書具矣吾獨異其在戰國時以區區五十里猶能於戎馬躡躡之餘疆爲善國卓然於泗上十二諸侯之上况自置郡以來兼三國包五邑袤延三百餘里甲乎二東南連江淮北走燕冀古所稱通都大邑無過此者矣地大則物豐民擾爲善有資故忠孝節廉代有偉人篤生其間所冀邑人士憤發興起希踪往詰企尼山之私淑而克接孟氏之芳隣也至道一之旨萬古

爲昭井田庠序之模百代不易斯志之所垂豈直媿休元和郡國志云爾哉任城王庸立撰

滕志

卷一

後序

二

舊序

自班孟堅因禹貢及周禮職方作漢地理志嗣後郡邑各
自有紀乘皆命之曰志夫志者信今傳後以誌不朽也滕
古小邾地在周爲封國戰國七篇滕凡九見文公之里聖
賢之鄉也幅幘兼三國五邑非昔日所云五十里其間文
人墨客詞壇中豈無孟堅輩作志以誌不朽者植自己已
承乏滕邑卽知滕之志爲侍御王公筆壬戌一炬已成煨
燼殊不能羅二十四軸於一掬中也久之搜得公志一帙
閱之恍若桃源乍歸華胥初覺雲山草樹都在目中卓哉
史筆爲一邑之文獻矣卽重刊之自足徵信當世但公定
滕志

卷一

荆序

一

志之後已閱四十八載山川萬古不改事變有時而新滕
經兵燹城郭僅存人民半非此番草昧經綸敢曰廢而復
舉爲締造者寫苦心也植俗吏無如椽筆非其任還白張
先生以文章名世自西曹里居如王子喬拱手謝時人不
諾文字請久矣植懇之曰從妖氛蕩平已十年於茲矣滕
志未修使名勝高賢黯然無色非獨有司責抑鄉紳恥也
先生因取侍御志稍加錯綜間有附益尤嚴考證歷寒暄
而告竣仍計八卷題其首曰滕志續編植謂一邑風俗係
乎政治而奢儉爲風俗之源故曰紀之無關於政治風
奢儉緩急之故者則志不取焉昔禹貢所紀田賦高下墳

墟黎赤以至篠蕩箇籥龜魚之細周禮則及於山藪川浸
男女畜擾之粗何其儉且詳也孟堅知奢不可訓而儉是
因尤詳於風俗緩急之故豈無爲也昔子輿策滕政治曰
取民有制言性善不置其於奢儉風俗何如也至籌築薛
一恐又曰邇爲善重守也深洞緩急之故矣滕昔葛爾間
於齊楚遷難守亦不易彼其惓惓爲滕借箸者非無見而
然正恃性善風俗緩急是其耳茲者登變萊警東土鼎沸
植與滕之士紳殘黎日夜戒嚴築城鑿池不遺餘力今日
獨無可恃乎植不肖不能力行有愧善國植觀滕之君子
焉野人焉斌斌性善風俗美而人心一緩急可恃以無恐

滕志

卷一

荆序

二

植於是而益快孟堅之善因也植讀是編因王公筆書美
書惡紀災紀祥品一人已往若有生氣頌一事人心咸有
激勸信有功於政治風俗奢儉緩急之故當不在孟堅下
也黠綴勝槩猶其緒耳

崇禎壬申清明日賜進士文林郎知滕縣事河東荆爾植
書於滕陽公署

舊序

滕故有志然疎畧無倫次不足以備文獻觀者少之余初莅滕日卽擬修之而難其舉久之乃與鄉先生王公謀王公曰是其鄉人之恥也士君子生於其鄉而不能嫻故典爲詞命成一家之言徒使訛謬相沿貽嗤往代此司馬氏所以發憤而太息者也余其何辭乎余嘉王公言乃爲開館公署辟諸儒給筆劄具餼廩聽公所指公自出古籍千餘卷又旁搜故典徧及邑中碣刻再歷伏臘志草告成余與公閱之始圖經次沿革諸譜次災祥次山川次方物次風俗次創設次賦役次祠祀次古蹟次列傳爲卷凡幾而

滕志

卷一

楊序

一

舊志之汰去者十八卓然一邑文獻矣乃憮然有感曰志者譜記之謂也音樂匪志則無以辨宮商鼎彝匪志則無以窮世代然總之則歸於文故曰言之無文行之弗遠矧邑志興廢所關備往蹟而昭鑒戒又可以不文行之乎今滕志文矣余得而縱觀之以悉滕之始末夫方滕之在春秋名爵等於曹邾疆土侔於陶薛故盟會不列至稱卑小乃其志之所述則帶黃河阻清濟龍桃諸山綿亘其中地饒稷稻魚鹽之利民俗習於擊兔伐狐鬪雞走狗梟捷成性則亦雄區也使當其時有謀臣若子產范蠡輩佐其中材之主交楚而不倚於楚交齊而不倚於齊內修戰具廣

集說士楚警則守黃河而文告於齊齊警則守清濟而文告於楚魯宋鄭魏皆臂運而指使之而間伺隙徼犄角之利當楚平之末則吾渡河而取彭城齊莊之世則吾渡濟而取卽墨晉滅曹吾取重邱楚伐宋則吾取睢陽內用管子邱甲之術而外修孟軻氏仁義之政卽未能爭長齊楚然亦可以觀時而不至早亡惜乎不然則地之興廢豈不由人哉方今皇明混一南北舟車輻輳其中故候人境上奔命縣官擁篲郊迎日不暇給加以天災流行土地荒蕪未盡墾戶口逃移未盡復敝將莫知所極調停之方豈亦有在乎然而余非其人也故爲之憮然


滕志

卷一

楊序

二

萬曆十三年十一月吉日知滕縣事東明楊承父撰



舊志弁言

邑志修者屢矣余束髮爲諸生時見傳鈔志二本此時典籍未備而採搜未廣故實旣多遺漏而體裁亦少倫次至隆慶丁卯侯君維藩始芟其繁蕪而潤色之授梓今十九年所矣然而體裁多襲其故至萬曆癸未余歸田而楊公治滕且三年墜者舉廢者興凡公署橋梁一起而新之政成之暇復以邑志委余而謂之曰志所以信今而傳後者也故實不備則無徵體裁失倫則不雅君子於舊志猶有遺恨矣君其重葺之余辭不獲命乃益發縉紳家藏分籍披閱而以諸生神用遍歷境內搜殘碑斷碣詢亭父邑老

滕志

卷一

弁言

一

凡有所關隻句片語皆隨手記錄以授余而余又取他郡邑善志出百宗工鉅匠者倚爲模式補綴其闕漏而易置其體裁凡爲一圖經六譜八志七列傳蓋兩更春秋始就稿已乃深維曰夫志者古國史之流也上明先王之跡下辯人事之記別嫌疑明是非善善惡惡補敝起廢俾圖治者有所折衷非夫閱覽博物崇論雄詞然後可成一家言余不佞以庸劣棄於時顧令載筆執要以鏡於得失之林譬之未能操刀而代大匠斲惴惴焉惟傷手是懼惡得所謂信今而傳後哉雖然大厦之成非一木之枝構榱侏儒備林匠氏於是卒成蕪志八卷以存一邑文獻已耳如其

成書以俟來哲

萬曆乙酉秋八月邑人王三元實謹識

滕志

卷一

升

二

舊序

璣束髮卽事遠遊至輒覽其山川風土所見聞多殊間欲以耳目所漁獵稍裒集之如班扶風之紀地理謝不敏也壬子承乏滕邑邑兼三國五邑之地衝疲實甚賦逋民貧百廢難舉三十年來十易其吏究無一善狀璣因滋懼竭蹶奔走無寧晷文囿墨林概爲廢格客秋奉修志之

旨天下郡國咸將拜版而登煌煌乎鉅典哉往者成化中命儒臣纂一統志篇帙雖繁或猶以採輯未備譏之我國家混一九有遠邁前古從此飛文灑翰包羅萬象黻黼太平之業於焉稱盛滕以彈丸地數罹兵燹旁蒐邑乘僅有殘

滕志

卷一

任序

一

編彙鄙小吏兢兢於簿書期會不暇將何以仰副成命乎用是搜輯遺文咨詢掌故深以負乘貽羞四閱月得告成事焉敬題數言於簡端以附拜手颺言之列

康熙十二年歲次癸丑夏五月天中節

賜進士第文林郎知滕縣事關中涇陽任璣敬題

滕縣志序

濞承乏滕邑歷今四載風夜冰兢深以不克負荷是懼
蓋今日之滕兼三國五邑紛然并治而非當年五十里
可以爲善國之滕也溯滕之受封始於黃帝再建於成
周其間或興或滅或分或併或去南附於徐或東屬於充
或爲縣或爲州制不一定名亦隨之迨後陞兗州爲府
降濟寧爲州滕縣遂永屬乎兗州而其制亦一定而未
有改焉滕鄒魯接壤也高山大川接乎秦岱通於洙泗
依孟氏之芳隣望尼山而仰止文人秀士孝子忠臣卓
然而爲史冊之光者自昔然矣濞也簿書期會之暇欲

滕志

卷一

黃序

一

周覽而憑弔之旣以政治紛煩日無寧晷卽欲借前人
之舊本以自成一家言又非如椽之筆恐其見譏大雅
撫心自問實有未安幸郡伯金公名一鳳山陰人爲
名教干城作風流太守本歐陽實學倣五代鴻篇凡其
所屬咸論以修志爲要務誠以志也者可以觀天時可
以察地理可以驗人心之淳漓可以見政事之得失所
係洵非渺小也滕志自有明修於萬歷時則有先達御
史王公任其事偉哉真一代史筆也難乎其繼矣再修
於崇禎又有先達比部張公復踵其事駸駸乎有全史
之目焉迨我